

## ДР-ла Муфтийла багъудила заместитель Идрис-хІяжи Асадулаевличил гъунибаъни

Лебтанилра балули къяйда – багъуди кайсни гъарил бусурман адамла чебла саби. Аллагълици шукру, нушала замана лерилра шуртҗри аклахъубли сари багъуди касес дигутас. Жузи, СМИ, Интернет, жумягІ бархІила вягІзаби – лерилра илдани нушаб кумекбирули саби багъудлуми имцІадиклахъес. Нушаб илди багъудлуми лугес хІядуртира леб, нушани хъумартули диахІелли яра азгъиндирули диахІелли.

Илгъуна багъудлуми тинтІдирутазибадси ца шали саби Муфтиятла просвещениела отдел. Илдани динничи бархъси гъуни чебаахъес халаси къайгъи дакІубирули саби. Илдала хІянчиличила бурахъес нушани тиладибарира Муфтийла багъудила шайчибси отдела заместитель Идрис-хІяжи Асадулаевлици.



– Идрис-хІяжи, хІушала багъудлумала отдела хІянчиличила бурили дигахъира.

– ИшбархІи республикала имцІалти районтазир ва шагъуртазир багъудила отделти дузули лер, илди лерилра Муфтиятлизи кадурхути сари. Илдала гъалцад шайчир дузули лер: вузани, сузани, школаби, биштІатала ва бухънатала юртани, школаби, поликлиникаби, больницаби, базурти ва цархІилти организацияби. Гъарил илгъуна мерлис нушала лекциябала план ва хасси график леб. Илала дурабад, камли билра, нушани хІянчилилизир сагати шалуби гъаргдирулра.

– ХІушала лекциябала сегъуна темаби сари?

– Чила гъалар ва се учреждениелизир гъайдухъес хІяжатлил хІеръили нушани темабира декІардирутира. Мисалис, тухтуртази, полицияла хІянчизартази, учительтази илдала хІянчила тяхІяр-къяйдаличила, адуцаладешличила дархдасунти масъулти ахъурцулра.

БЯХІ 2

### Мавлид

Февральла 1-личиб МяхІячкъалала ЖумягІла мижитлизибси хъунул адатас хасбарибси Гъидаят центрлизиб мавлид бетерхур. Ил балбуц дураберкиб ДУМД-ла сипталичил.

Мавлид хасбарибси саби хІижабла бархІилис, сабира февральла 1-личиб дурабуркІуси.

Гъидаят центрла руководитель Амина Гялихановани цалабикибти байрамличил мубаракбариб ва белчІудилизирра ЧевяхІиллис бируси гІбадатлизирра сархибдешуни далгун.

БЯХІ 2

### Конкурс

Январьла 28-личиб МяхІячкъала шагъарла ЖумягІла мижитлизиб конкурс бетерхур. Ил дураберкибсири «Бархъси гъунчибад башутала адабдеш» бикІуси Муфтий Гялимад-хІяжи Гябдуллаевла жуз хІясибли. Илаб бутІакъяндеш дариб МяхІячкъалализибад ва цархІилти Россияла регионтазибад 2000 адамли. ГъанбиркахъехІе, гъалабван илгъуна конкурсуну республикала районтазир ва шагъуртазир детерхуртири. Илаб чедибикибтас шабагъатуни, жура-журала призани ва бекІлибубси приз – машинаби дедибтири. дедибтири.

#### Жагъилси пагъмукар



БЯХІ 4



Гядат хІясибли, конкурс дурхъати Къуръанна аятуначибад бехІбихъиб. Муфтийла заместитель

чедибикибти биалли финаллизир аркъян. Иличила нушани лябкъуси номерлизиб бурехІе.

#### Хъунул адам хъулир



БЯХІ 5

#### Пайдалати насихІятуни



БЯХІ 7

# ДР-ла Муфтийла багъудила заместитель Идрис-хияжи Асадулаевичил гъунибаъни

1 « Держ, папрус, наркотикунала асарличила, алавчарси тлабигъятла нядешличила темаби, веъла вагъайчи диги секъяйда адилкъес гъагънисил, цалис цали бирусил хурматличила, терроризмаличи ва экстремизмаличи къаршити ва дахъал цархилти. Илгъуна ва цархилти масъулти нушани ислам хулчилибуцили иргъахъули дирехле. Далдикибти далилти кили, баяндирулра. Нушала лектортас гъамадди биахъес мягъничерти темабала лекцияби хиядурдирулра.

– Хушачи лехихъутала сегъуна суалти алкълули дирара?

– Жагъил адамтала имцъали дирар суалти. Илдани чула гъар бархила гъамрулизир къаршидиркути масъулти ахъдурцули бирар. Суалти цаличи ца мешути имцъали хъардиу. Динничила багъудила даража камси биъни багъесли бирар. Нушала хиянчизартани къайгъибиру чедетахъили суалтас жавабти лугес. Рахли декларли гъайхъес дигуси виалли илдани телефонна номерти далта.

– Хела пикрили, нушала жамигъятла динничила багъудумала даража сегъуна саби?

– Чедиб бурили къяйда, динничила багъудуми адамтала дебали камли сари. Илди имцъаливан яшавла, беклахъудила, гъамрула тяхъаркъяйдаличила дархдасунти дирар. Илди гъар-секълал хисаблизиса кили, нушани аргъира адамтала динничила белчудилизи ахъес халаси замана агни. Нушала багъудила отделла вакилтачил гъунибаънибани биалли имкан лугули саби адамтала челукъути масъулти ирзес, илдала суалтас



жавабти дедлугес. Гъайгъай, чарагарли цакъбарес гъагънили саби Сетаназибси хиянчира. Сен ахленну, экстремистунала шали бурцути жагъилти Интернетлизиб саби тьянишбирути. Нушала лектортани сетаназибра жигарла хиянчи бирули саби, чула пикруми гъаладирхъули.

– Идрис-хияжи, дигахъира хиянчизартачила бурили, чихъали саби илди, сегъуна багъудуми касибти?

– Нушала отделлизиб гъалцад хиянчизар леб. Имцъалти кил-кел чебяхъиси даражала багъуди касибти саби, динна ва динна ахленси (светское образование). Илдас гъаладир-

хъути тлабуни сари динничила мурхъти багъудумала дурабад, адамтачил гъайла бархбас кабизахъес бални, пагъмучерли вягъзаби дирни, жагали гъайбиклес бални. Гъайгъай, палтар къяшлизибадра илди жагали бегъиубтили биес гъагънити саби. Нушани илди гъайбиклес бални бегъгъалаб нушала ургаб ахтардибирули дирехле, лектортас къияндухъести суалти дедлугули хиядурбирули, жагали чули бурси гъайла мягъна иргъахъес бурсибирули дирехле. Ишаб бурес гъагънибиркур, нушани газета «Ас-салам» чебетаахъили бучлутира ва илар нушала хиянчизир багаладиста дахъал секълал дирар. Илизирад бучлантала ва нушачи лехихъантала

хияжатунидалули дирехле. Илаладурабадра, нушала отделла хиянчизартани бузахъиси Интернет сетъун ахленну, ишбархила тлабуначи мешули бузули жура-журала техникала гъагъниахъала пайдаладирули саби. Илдани деклар-декларти презентацияби хиядурдарили чула хиянчизир пайдаладиру. Илгъуна тяхъар-къяйда жагъилтас имцъали дигахъу.

– Хушала хиянчизир къаршидиркути къияндешуни сегъуна диалра леру?

– Илцадра деклар къиянти масъулти, шукру Аллагъличи ﷺ къаршидиркули хедирар. Сенкълун ишбархли имцъалти адамтани аргъили саби динничила дархъти, гъарли-марти багъудуми гъагънили диъни, жамигъятлизирти терроризмала ва экстремизмала хейгести анцълубкуни хедиахъес багъандан. Сен биалра цацадехъти организациязабиб руководителти леб нушаб илар дузахъес ихтияр хелугути. Леб нушала хиянчила мягъна аргъили нушаб кумекбирутира, илаб нушала хиянчила мягъничебдеш гъагъничи чебиули бирар. Чянкълли ихтиюрти далтахъантала ва динна агълула къайгъни цаладяхъили дузахъеллицун бирар гъагъдеш, ва арзес дирехле жамигъятлис челукъути масъулти.

– Идрис-хияжи, халаси баркаллагъ, хушаб илгъуна дебели хияжати хиянчи бирнилис, Чевяхъиси Аллагъла кумекли гъердуцабая! Амин!

ИХТИЛАТ ДУРАБЕРКИБ

ГЪАЗИЗ МИЧИГИШЕВЛИ

## Мавлид



1 « Ишаб бурес гъагънибиркур Гъидаят – исламла къанунти хиясибли хъунул адамтани ва рурсбани багъуди кайсуси центр саби. Илаб Къуръан бучахъес, дехлибила дирахъес бурсибиру. Илав идбагунала тарихличила багъес ва цархилти динна багъудуми касес вирар. Ил абхъили кел дус саби биубси, илар дурсри детурхар херейс ва бархлехъ. Ислам динна дурсри матъал кадирхъути сари. Лер багъалис кадирхъути дурсрира, илди сари дурала улкнала мез руркънила ва беркала бирахъес бурсибирути дурсри.

Балбуцличир илабти бучлантали чедаахъиб жура-журала хъунул адамла исламла къанунти хиясибли дихути палтар ва хияжаб. Илкъяйдали илаб клана секъяйда бихес

гъагънисил чебетаахъили буриб. Илар лерри биштлати рурсбас далдиркути палтарра. Цархилти бучлантали биалли сценкаби дариб, чебаахъиб секъяйда бархъили бурес гъагънисил «шагъада» ва мавлид белчлун.

Илкъяйдали илаб учибикибтала ургаб суалтала конкурс дураберкълб ва дархъли жавабти дурибтас шабагъатуни дедиб.

Ахирличил мугъаллиматун Гъайшатли вягъза белчлун, лебилра гъагъиси бирахъес ва сабуриличил хербирахъес жибаариб.

Гъидаят центрличила нушани ляркъути номертазир тинтлти бурехле.

НАИДА ГЪУРУЕВА

### Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

### Редакционный совет

Председатель редакционного совета муфтий РД Ахмад-хаджи АБДУЛАЕВ  
заместитель муфтия РД Мухаммад ДАВУДОВ

### Главный редактор

Азиз МИЧИГИШЕВ

### Редактор

Наида ГУРУЕВА

### Канонический редактор

Дауд ГАСАНОВ

### Корректор

Наида ГУРУЕВА

### Дизайн, вёрстка

Мухаммад МУХИДДИНОВ  
Иса ОМАРОВ

### Менеджер

Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ \_\_\_\_\_

Сдано в печать: (график) 31 января 2017 г. в 15:00 (факт) 31 января 2017 г. в 15:00

Тираж 2 900 экз.

Адрес редакции

367027, РД, г. Махачкала, проспект Акушинского, 5-я линия, 19. Телефон редакции: 8-928-530-59-70.

По вопросам подписки и доставки обращаться по телефонам: 914-222, 8-988-291-42-22.

e-mail: assalamweb@gmail.com; www.assalam.ru

# Къудратла веГІ Аллагъла пергер уми

## 1. АЛЛАГЪ

Ил Аллагъла бегІлара чебяхІси у саби. Ил чи саял белгибируси. Ил ули суези духІнадурцути сари Аллагъла лерилра пергерла 99 у. Ил у цархІил чисалра бирхъуси ахІен.

## 2. АР – РАХІМАНУ

Гъар шайчивад ряхІмучевси, дахъал гІяхІдешуни дируси. Сунени акІахъубтаци иш дунгъялчив ряхІмучевси: бирхутачира хІебирхутачира, буурантачира ахІентачира. Ил ура чисалра цархІиллис бирхъуси ахІен.

## 3. АР– РАХІМУ

Мурталра уркІеЦІи даКІубируси, ахир агарси уркІеЦІила ВеГІ. Итил дунгъялчиб бирхутачицун уркІеЦІи даКІубируси, сунес мутІигІти лугърачичун уркІеЦІи бируси. Ил ули бирхутачи Аллагъ хаслира разили вигъни иргъахъуси саби. Ил илначи уркІеЦІи бариб илди алКІахъулелира, илди бархъси гъуйчи бяхІчицунхІелира, илдас ахиратлизибра уркІеЦІибиру. АР-РяхІман ва АР-РяхІим умазив Аллагъ аргъибсили чеббалКунти Аллагъла гъуйчи кабизахъес къайгъибиру. Илдас къадинра Аллагълизи улгули, илначи уркІеЦІибирахъу. Къудратла ВеГІли илначи Сунени акІахъубти цархІилтачира уркІеЦІи бирахъес хъарбиру. Илис Сунес мутІигІти Сунела лугъри дигахъу.

## 4. АЛ-МАЛИК

Къиямала бархІила ВеГІ, гъарлимарси пачахІдеш дируси Ил сай. Аллагъ сунес сай ваибси сай, чичилгра хІяжатаркуси ахІен, лерилра гІелар калунти секІал илини акІахъубти сари ва илизирад дигахъути сари. Илала вархъя левси ахІен. Я чилилра Илис хъарбаркъуни дедес вируси ахІен. Ил чилалра шайчибад кумек

кебасесра. Ил улизив Аллагъ аргъибсили сунела рухІличил, къаркъайчил, хІяланачил мутІигІдеш чедиахъу. Гъар секІал Къудратла ВеГІлис къуллукъличи кайу.

## 5. АЛ-КЪУДУССУ

Дурхъаси, бегІлара умуси, нукъсандешуни агарси, сунечир

лагълис бируси гІяхІдеш дагъри дархъагати пикрумазибад умубиъниличил багъарбулхъуси саби, илизиб васвасалалис, гІердирес, левсиличив гІяхІсили чейахъес хІяжатдеш лебси ахІен. Вирхуси адамла рухІлизиб Аллагъли ил ула мер баргили бируси саби. Ил багъандан илала рухІлизи нядеш букъес бируси ахІен.

## 6. АС-САЛАМУ

Даршубируси, баршибси, Сунела гІяхІдешличил декІарулхъуси. Сунезир нукъсандешуни агарси, барекъудлумазибра сегъуналра жагъал агарси. Сунела лугърас бируси гІяхІдеш Сунезибадцун кабиркуси.

Ил сунела рухІлизи минабиубсили Аллагъли гІяйиб бареси хІебиру, илала динничичи ва шаригІятличи къаршиси барес хІейрар.

## 7. АЛ-МУЪМИНУ

Сунела лугърачил бигъунси вягІдалис марси, сунела марти лугъри гІязабтазибад уцахъуси. Урехила ва вайдешла гъунчибад хІебашахъес мяхІкамдеш бируси. Ил илначи урехи чебарбикуси, илала уркІеЦІиличил саби паргъатдеш хъурабируси. Ил илначи саби нушази гІяхІдешличичи аркъуси гъуни чебиахъуси, нуша дерцахъес дармандируси Ил сай, нуша хІердияхъес къаЦІ-шин лугуси, Ил сай нуша дерцахъес музаулхъуси, Ил сай Сунени акІахъубти дихІуси.



баргес умЦІуси ахІен.

Ил сунела мулка веГІ сай ва илав сунес дигута виркъуси сай: дигусилис бедесра вирар, хІейгусилизибад

гІяйибти агарси, лайикъагати гъар секІайзибад умуси. Иличичи мешути, Иличил цугти лебти ахІен.

Илала у аргъниличичили Илала

## Исламла календарълизибад

## ВерхІел секІайчила

Абу Убайдуллагъ Куршияличибад балахъули саби, пулан адамлаи верхІдарш фарсахІ ахъили ца гІялимличичи вакІили сай верхІел секІайчила хъарбаэс. ВакІили иличичи ил викІар: «Ну хІечи вакІибсира хІед Аллагъли ﷻ гІибти багъуддуми сабабли. Бура гъари набзи зубрачичила, се декІси лебси иличичи; иш ванзаличила, се халаси иличичи, къаркъаличила, се чІумаси иличичи; цІаличила, иличичи се буЦІарсил; бугІярдешличичила, иличичи бугІярси се бирарал; урхъначичила, се давлачебси иличичи; ятимличичи чи сая язихъси?»



ГІяКІлукарли жаваб бедиб: «Умуси адамличичи чебуцибси къяна-бугътан декІси саби зубрачичи; хІекъдеш халаси саби дунгъялчиб, лебсилличичи къабулсила уркІи давлачебси саби урхъначичи; чархла къиркъирдеш буЦІарси саби цІаличибра; умут агарси гІягІнидеш гъамси адамлизибад бугІярси саби; иман агарси уркІи къаркъаван чІумаси ва къякъябси саби; цІахварибси мезлукъ ятимличичивра язихъли вирар, сенахІенну пужвиубси ил увахІвируси сай».

## Жагъаннабла сен верхІел даража лерти, Алжанала биалли гехІел?

Имам Гъазали викІар: «Жагъаннаблизи адамти биркути саби къаркъайзирти верхІел бирКІанни бунагъуни дирни багъандан: хІулбани, лихІбани, мухІлили, някъбани, къяшмани, канили, гІавратли.

Алжана къадарбиахъести биалли адамла гехІел бирКІан лер: лерилра чедир дурибти ва илдала че уркІи, сунечил адам-



ли ният бируси гІяхІси яра вайси баркъудилис гъалаб. ГІяхІси барес или уркІили барибси ниятли адам Алжанализи виркахъули сай, сунени ил барес валкъІеаллира валли. Вайси баркъуди барес ибси пикри халбирули ахІен, саби баркъуди баркъили бетархайчи. Ил багъандан Аллагъли ﷻ дарили сай гехІел даража Алжанала ва верхІел Жагъаннабла.

## Суал:

- ДехІибала сен хІедирусири?
- Ну гъачам жагъли левалра, дила белЦІуди леб...
- Ну узулира...
- Дила биштІати дурхІни леб...
- Ну зягІиплира, хІилхІи вашулра...
- Ну ухънаваили вирхІейран виублира...

Ва, хабарагарли адам убКІули сай, гъанна лебГІеб къанни саби...

ИшбархІи барес вируси ва барес гІягІнисичи бирен гІелайзи архІебухили. ХІед жагІял бекІлил садхІебаэсра асубирар.

## Имамлизи хъарбаили саби:



– Асубирару Рамазан базлизив дубурцес базла бехІбихъудлизив, ургарти бурхІназив ва ахирличичи?

Илини жаваб бедиб:

Гъайгъай, бирар! Баз бехІбихъибхІели 10 бархІи, баз байхъала биубхІели 10 бархІи ва ахирличичи 10 бархІи дубурцес!

# Гъар бархилис балгни (дугъяби).

## 1. Гъанклизивад чеваргъибхели

Алхламду лиллагъи лязи ахлъяна багда ма аматана ва илайгъи ннушур Дебкъахъили гъергъи нуша мицдирдарисси, ва гурра сунечи чардулхъахъуси Аллагълис деза биаб.

## 2. Палтар челгъухели

Алхламду лиллагъи лязи касани гъаза савба мин гъайри хлавлин минни вала къувватин Сунени ну палтарла вегъварисси, ва илди наб дила цакъ я ахъри агарли пешкешдарисси Аллагълис деза биаб.

## 3. Хияжатханаализи йцухели

Бисми ллагъ... Аллагъумма инни агъузу бика миналь хубуси Валь хабаиси Аллагъла уличил. Я Аллагъ, гъарли-марли, Нуни Хези ну мурул-хъунул жинсанала вайдеш бархти жиндрозивад верцахъни тиладибирулра.

## 4. Хияжатханаалавад дуравхъунхели

Гъуфранака альхламду лилла-

гъи лязи азгъаба гъаннил аза ва гъафани

Хезибад чевверхни тиладибирулра. Набзибад заралласи секлал дураабисси ва ну сагъва-



рибси Аллагълис деза биаб.

## 5. Някъби ицухели

Аллагъумма инни асълукаль юмна Валь баракта ва агъузу

бика мина шууми валь гъалакати

Я Аллагъ, нуни Хези баракат имцдбарни тиладибирулра, талихлагъилизибад ва беклализибад берцуди тиладибирулра.

## 6. Къак баргарухели

Аллагъумма агъинни гъала тилавати китабика ва касрати зикрика Я Аллагъ, Ху наб Хела жуз (Къуръан) бучлахъес кумекви, ва Ху гъаман гъаниркахъес икъалави.

## 7. Къянкъ баргарухели

Аллагъумма арихъни раихлаталь жаннати ва анта гъанни разин Я дила Аллагъ хунину рахлатла варабагу алжанала гъеманани хура набчив разили.

## 8. Дяхъи ицухели

Аллагъумма байиз важгъи явма табъазу вужугъун ва тасвадду

вужугъун

Я Аллагъ, дяхъи шаладарисси ва цудардарисси бархли – ил бархли Хуни дила дяхъи шала-

дара.

## 9. Балуй някъ ицухели

Аллагъумма агътинни китаби би ямини ва хлосибни хлосабан ясиран

Я Аллагъ, дила баркъудлуми сипатдируси жуз балуй шайчибад бикахъили га, ва дила дарибтачила хлосаб кункбара.

## 10. Алгъай някъ ицухели

Аллагъумма ла тугътинни китаби би шимали вала мин вараи загъри

Я Аллагъ дила баркъудлуми делкуниси кунг я алгъай шайчибад бикахъили, я гъелабад бикахъили малугад.

## 11. Бекъ суркхяршбирухели (масху)

Аллагъумма хларрим шагъари ва башари гъала ннари ва азиллани явма ла зилла илла зиллу гъаршик

Ва Аллагъ, дила кам ва гъез Жакъаннабла цалис хяррамдара, ва гъаршла ахлени цархил дяхъици агарси бархли ну дяхъицилиув вихъяба.

## 12. Къашми ицухели

Аллагъумма сабит къадамайя гъала ссыратли явма тазиллу фиъгъил акъдам

Я Аллагъ, къашми тядикъуси

бархли дила къашми Сиратла гумиличир хлосмадулхъахъид.

## 13. Дазала дарили тамандирухели

Ашгъаду ан ла илагъа илла ллагъу вахъдагъу ла шарика лагъу ва ашгъаду анна Мухламмадан гъабдугъу ва расулугъу. Аллагъуммажгъални мина ттавабина важгъални минал мутатлагъгъирина. Субхланак аллагъумма ва бихламдика ашгъаду ан ла илагъа илла анта астагъфирука ва агубу илайка Гъарли-марли, Сунес сужда барес гъагъиниси ца Аллагъ ахлени, Сунесра валликъяна агарси, цархил Аллагъ агнилича шагъадатбирулра. Ва гурра нуни Мухламмад – гъарли-марли Аллагъла лагъ ва Расул виънилича бикъридеш дирулра шагъадатбирулра. Я Аллагъ, ну тавбадирантала ва умудеш бирутала лугъилизив виахъяба. Аллагъ, Ху умусири бирхауди агартани Хези чедирхъутизавад, Хед деза биаб. Гъарли-марли, Ху ахлени суждабарес лайикъси цархил аллагъ агнилича шагъадатбирулра. Ху дила бунагъуначивад чевверхни тиладибирулра, ва нуни Хела гъалаб тавбадирулра.

Адамла къисмат

# Жагъилси пагъмукар

Нуни гъалабван Къара-Къурейш-личила касибси видео гуррара хлербарира. Гъайгъай, лебил дунъяличиб машгъурси Къурейшитунала къалаличила хлелалуси адамра хлербар. Ишбархли ил тарихла памятник-музей саби, сабира лебил бусурмантала зияратла мерли бетурси.

Илабси мижит Россиялизиб бегълара жывхелла мижитгуназибад ца саби. Гъанна ил балбарилли сагабарилли, бегъ гъалабси къайда кабизахъурли саби. Хайдакълала уцмийтала хлйбрачилли хъули, мавзолейти-памятникунни, устадешличил дарибти цълдуби, мадрасала ва хъулрала калунти гъятбиълуми чедаэс вирар. Илди калунти луцрала ахъдеш гъаннара 4-5 метрлича абаили саби. Востока шайчиб 14-15 ибил даршдуслизиб барисси караван-сарай чебиули саби. Пергъити дусмазиб ил дурхъаси тарихла памятник маркали, дягъли буцардешли ва ванадешли багълалли тугъукабирули саби.

1944 ибил дуслизиб чеченти чула ванзурбачибад дураибхели, къара-къурейшлантани ва алавчар шимазибти халкъ гужли Чечнялизиб бархъибтири. 1957 ибил дуслизиб илди чарбирухели, имцдигъунти чарбухъунти ахлени. Гъанна ил дурхъаси памятникла къарул сай гъалав илав хлерирули калунси Мяхъаммад.

Ишбархлила замана ила зияратли бакъибтас лерил шуртгъи акахъубли лер, бамсри ахъес, дехъибала дарес, шинна бержес бирар. Илар дахъал гинзурби кали сари дяргибти дарманна шинничилти. Цалис гъаннара Уцмийла гиниз биклар.

Ил видео касибси авторличил дила ихтиллат бетатур. Ил сай пагъмукар, жагъил адам Пябдуряхъим Шяхъибанкъадиев.

– Пябдуряхъим, бегъ гъалав Мяхъаммад Идбагла (г.с.в.) насълала минали детаурти ванзурбачи вакъибхели сегъуна пикруми сарри хлела?

– Гъайгъай, илди мер-муса чедаибхели ну хлйранвиубсири, гъарилра адам илгъуна хлййчи виркули виэс, ва дила беклизир акъубтири назмула тугъи. Илди гъанна дила жузлизиб кадерхурли сари. Чумра видео касира иларти мераначила, зияратли бякъунти адамтачила. Дила назмурти урус мезли сари делкунти, амма илдачи бучлантани гъуни бургнилича вирхулра.

Нушани шурбатурра «Къара-Къурейш» назмулизирад:

Муйрала диркъурбачиб, ахъ дубурта-ла урgab

Лехъдеш лебси мерличиб тлашли саб дурхъал къялгъа.

Лер шурмира къадакад кабухъи саби хлербара.

Ил шагъар даршдусмазиб цацун хлербариули саб.

Ил саби Къара-Къурейш, бусурманна рухъи лерси

Азирти дусмазибра саб нушачил бириси.

Муза-къякъла мерличир лер гъятбиълуми илар.

Бяхъичили саби къала къараулван къалалис.

Къала-Къурейш адамла уркъазиб саби, гъайгъай,

Иман, исламла балгни дурули вакъибсиллис...



Пябдуряхъимла гъанналис авал назмуртала жуз дурадурхъи сари: «Бунагъуначи мукъурвакъни», «Бекъбахъ уршила уркъигъаргъдеш», «Вацъализи арякъунси уршиллича нешла дугъабиз», «Дудешлис насихият». Камси заманала бухънаб шуэсил жузра дурабулхъан. Амма илала гъатлира пагъмурти лер.

– Хела назмурти имцдваливан динничил дархдасунти сари, цара селичила лукъулири? Ил сабу хлела бекълибиубсигъуна хлйнчи?

– Дила назмурти жура-журала лер: адамтала гъамрулизир кадиркути хатлабачила, бархъси динничича аркуси гъунчила, биштлатас ва хъунул адамтас хасдарибти, насихиятунни. Назмурти нуни акъуси замана дирар лукъути. Имцдаса замана видео-роликуни, реклама, суратуни кайсули вирус, биштлатас мулътфиль-

маби дурала улкала мезличирад шурдалтули, гъамри лукъули узусира. Дила халали ахлени студия леб. Биштлати – нушаб Чевяхъилли аманатлис гибти саби. Имцдваливан илдас хасдарибти динничила багъудила дурсрачилли дискани дирулра. Иларад гъараб мез дяркъес, Къуръан бучлес, динничила дархдасунти гъар секлал дагъес бирар биштлатани, илдачил бах бегътанира, сенкун бегъталара камли сари динничила багъудлуми.

– Хуни динна багъудира касибсирив?

– Бегъ гъалаб, школа белчи гъергъи нуни чебяхъси даражала багъуди касира ДГИНХ таманаили менеджерла санигъят бяркъурра. Чумра дус санигъят хлйсибли зулира калура, строительла хлйнчи дарира. Пур динна багъудира касили гъанна студиялизив чедир гъандушибти съемаки дирули зулира.

Пябдуряхъимла бегъти Дахадаевла районна Ирагъи шилизибадти саби. Дудеш Мухламмад-Запир санигъят хлйсибли военный сай, Ростовлизиб белчуди таманбарилли гъергъи ил Коми республикализиб вархъибсири. Марси хъунул Жамилатра мурталра рарх сарри. Илаб илдала акъуб хлйбал уршира ца рурсира. Лебилралис лайикъси бяркъеб дедиб ва гъамрула гъунчи дураиб. Жамилат воспитательницали рузусири. Мяхъаммад-Запир биалли МВД-ла майор сай, гъанна келра пенсияличиб дурхънала дурхъни абишкъули саби.

Нушала шайзирад Пябдуряхъимла хъалибарглис арадеш, талихъи, сунела гъамдли ахлени хлйнчилилизир дахъал сархибдешуни диубли дигулра.

НАИДА ГЪУРУЕВА

# МухАаммад Идбагла ﷺ баракатла хъунри

(белбихъуд арбьякъунси номерлизиб)

## Савда

Идбагли ﷺ цархилтира хъунри кабибхели, Савдани аргъибири ил сунечи уркецИдудхъи хъайчикай-ибси виъни. Иличила багъурхели пашманриубсири. Илала дурабад, ил рухънараилри. Ил багъандан илис цацадехИ кьулукъуни тамандирес кьиянбулхъулри. Ил секлал хИясиббарили, Идбагли ﷺ илис кумкдеш биахъес багъандан ил раткаес сабаб баргиб. Амма Савдас дигули ахъиб Идбагличир ﷺ ца хъалибарглизир калес, илини сунес декларбарибси бархИ Пяйшас(р.а.) бедиб. Ил бархъес Идбагра ﷺ кьабуликиб.

## ХИафсат

Нушала Идбагла ﷺ хъунул, муъминтала неш ХИафсат Гумар асхИабла рурси сари. Илала цаэсил мурул Хунайс УхИудлизибси гъазаватлизиб бутIакъандеш дарили, илар диубти дяхъурбазибад вебкИиб. ХИафсатла дудешлис ил Абу-Бакр асхИаблис редес кьасбариб, амма Абу-Бакрли селра хИеиб. Гумар асхИаблис ил гИяхИкебизур ва Гусман асхИабличи дугъаизур дила рурси хИед рука или. Гусман асхИаблира жаваб гили сай. «Гъачам ну хъайчикайэс вирули ахИенра или». Гумар асхИаб сунела децIра сайра вакИиб Идбагличи ﷺ ва или-

зи буриб сунела анцIбукъ. ИлхИели МухИаммадли ﷺ иб: «ХИафсатлис Гусманничив гИяхИси мурул виркур, Гусманнис биалли ХИафсатличир



гИяхИси хъунул риркур». Идбагли ﷺ сунела рурси Умму-кульсум шери редиб Гусманнис, ХИафсат биалли сунес рукиб, ил замана ХИафсат 23 дус риублири.

ХИафсат паргъатагарриубли чераибхИели, Идбагли ﷺ иб: «Илис дигули риалли, нуни ил акъурал-

тас». Илди кIел девли ХИафсатлизиб дубрурцасли ва дехИбулта риркъасли ралтара ибси пикри акIахъуб ва ил рулгес ва дехИбулта риркъес

рехИрихъиб. МухИаммадли ﷺ ил сунела хъунрала лугИилизир ратра ратур.

Идбагли ﷺ ца тIалакъ бедиб илис (декларкайкиб). Декларбикнила сабаб ХИафсатли Идбагла ﷺ ца дигИандеш гъаргбариб. Илала

гIергъи Жабраил малайк вакИили иб: «Чаррара ХИафсат, ил дин дебабли дигуси хъунул адам сари или, дугели гИибадат бируси, хIерейс дубрурцуси. Ил хИела Алжанализирси хъунул сари или». Идбагли ﷺ ил чаррариб. ХИафсат ребкИиб 45 – эсил дуслла ШагIбан базлизир.

Нушани чебиулра МухИаммад Идбагли ﷺ чус хИейгули биалли хъунри сунела мяълаб бихИути ахИенри.

## Маймунат

Нушала Идбагла хъунул, муъминтала неш Маймунат ХИарисла рурси сари. Илала гъалабла у Барра лебсири. Идбагли ﷺ илис Маймунат у бедиб. Маймунат 26 дус риубхИели илала цаэсил мурул Абу-Рагъм вебкИиб, ва ил сарицун калун. ХИижра хИясибли 7-эсил дуслизиб Хайбарлизибси гъазаватла гIергъи (629 – ибил дус григориантала календарь хИясибли) Идбагли ﷺ ил сунес ураркъиб. Ил замана Идбаг ﷺ Маккализив гIумраличив сайри. Маймунатли разидешла хабар бакъибхИели сари шери рукес дигнила, гИяхИси хабарла разидешли илини сари карибси варли ва иличирти кьай матяхИ Идбагличи ﷺ или дедиб. Идбаг ﷺ гIумра таманбарили гIергъи ил цахИнавикиб Маймунатличил варх Сараф бикIуси мерлав. 51 дуслла гIямруличир Идбагличил рарх цахИнарикибси мерлар ребкИиб.

## Муслимат

# Хъунул адам хъулир

Рурси халараили сари регИси хъули аррукъайчи нешли ил гъар секIал дирахъес бурсириру. Рурси имцIали нешличи мешулира рирар. Илис саби бикIутира: «Нешличи хIергъили рурси декларрара». Сен биалра, жагъилти бегIтала хъулиб лебалли бурсибарес гIягИнибиркур цала цали хIурматбирахъес, сабурличил вьшбикIахъес. Амма ишкъайда ахИен:

– Сена хИела рурси?

– Дебали гИяхИли сари. Илис гИяхИси мурул викиб, илини илис кумекбирули сай беркесил бирули, тIалхИяна ицули, биштIатачи хIерикIули. Ил русули лералли базарличи вякъи гIягИнити секIал ису...

– Урши сена?

– Илис биалли гъархИебизур... Вайси хъунул рикиб, азгъинси... Уршилис чебиркули саби гъар секIал сунени дирес: биштIатачи хIерикIес, беркесил бирес, тукейзи вашес...

Дила пикрили, анкъилабси цIала шала мурул адамла някъли устадешличил чердахъибти урцуйзибад саби дигахъуси. Ил цIала ванадеш бахъхИи калахъес биалли дигахъу хъунул адамлизибад. Исламла хъунуйчи хъарбарибси саби бегIлара дурхъаси – хъали бихИни. Ил сари мурулла къакъбяхъ, сай президент виаб, гИялим виаб, слесарь виаб. Хъалимерли сунези макълатисли къайда сунези илаб хIербиранти битIикIес гIягИнити саби.

Хъунул адамличи хъарси ахИен бушкайчил ва тряпкайчил рашес ва хурег бирес, амма умудеш би-

рули, хъали-цIа жагали дихИнилис ЧевяхИилла уркецИи бирар ва халаси шабагъат. ГъатIира халаси кери биу илини дубурцуси муруйс



хурег бирули риалли. ИлхИели заклизбти малайкуни ЧевяхИиллизи тиладидикIар саби илала юдашунни дарахъес. Илцадра илала даража ахъбирар Аллагъла ﷻ гъалаб. Илкъайдала, виштIасиличи гIясихIерикIули, сабурличил рируси нешлисра дахъал бунагъуни урису.

ИмцIаливан, мурул адам бархИи

ахъайчи хъалибарг абикъес багъандан узули сай. Муруйс гъунираэс гъалар хъунул жагали регIриубли, барили бизиси хурегра байрамли-

чиван хИядурли риэс гIягИниси саби. Или биралли илдала диги ва бархбас цIакъдикIар.

Урга-ургар хъулирти ваяхИ дехIсурдарес вирар, сагати хИедиалра мерани дарсдали кадихъес.

Чичи биалра гИяхИладли дякъи илдала се-биалра гИяхИбизалли, тIап илгъуна муруйзибад тIалаббарес

къалабамадикIудая. Мурталра хIердикIая хIушачиб мискинни хIербирутачи. Давлалли разидеш бихуси биаллири иш дунгъяличиб, нушала Идбаг ﷺ бегIлара давлачевси вирусире, сен ахИенну ил Аллагълис бегIлара дигахъуси сайри.

Гъалаб бирутири хъунри мурул архИяличи гъуннивалтухИели хИялалсицун напакъа бихахъес тилади бирути, хИярамсилизибад гъарахъли калахъес бурули. Илди бикIутири, нушаб иш дунгъяличир гаша чекасес гъамадли саби, итил дунгъяличир Жагъаннабла гIязабти чекасесил.

ГIягИядешличила гъайикIалли, пикрибарая, рахли хIуша чичи-биалра гIяхИладли дякъунхИели, иларси хъа регI дамкъахъурли дяхIра, гIясили биштIатачи рургъули сари. Илгъуна мерличи гIурра дукъес иштяхИ алкIану? Гъарли-марси бусурман хъунул адамла илгъуна хИебиру. Иличи къанси дугели гИяхИли яра тухумти бакIаллира, илдас гIяхИядеш диру. БакIибтачи разиси иманчерси хъунул адамла хъали баракатли бирцIу.

Бусурман хъунул адамла гIямру биштIатас ва муруйс кьулукъбирулицун аркъути ахИен. Илини багъуди кайсу, бирхути хъунрачил бархбас бузахъу, гIяхИти хИял-тIабигIят чедиахъу. ИлхИели муруйс, дурхИнас ва юдашуннас иличил бирес иштяхИдулхъан.

ПАТИМАТ ХИЯМЗАТОВА

(БехИбихуд арбякунси номер-лизиб)

**ВебКибси (вирхарули) адам халати хЯбал балагълизивад акъуулхъули сай:**

1. РухИ асес ваКибси Малакуль Мавтла дяхИ чедаэсила урехилизивад;
  2. БекКала гЯзбтазивад.
  3. ВирхХерули – вебКесила урехилизивад.
- ВебКибси адам чеили цацабехИти биклар: «Ил гЯхИси адам вири, нушара дубКехИе илван», ва, вебКибси хЯриихъибмад, бекКибтачила хъумурту. Илди адамти, авлахъличир гЯйдиклути, беЦ чебаибхИели гьардулхъути, беЦ чехЛебианбиубхИели, чардухъи гЯйдиклес даимдиубти, мазначи мешути саби.

### БекКала гъамбикИнила лишанти

Ца идбагли бекКала малаиклизи хъарбаили сай: «Леру хИела бекКала гъамбикИнила лишанти?» – Жаваб: «Илди дахъал сари – зягИипдеш, чулахъдеш, ухънадеш, сукъурдеш, гЯнцИдеш, ухънадешли ахъри агар виъни». Илцад бахъал бархИбтасра гIергъира убКусини ЧевяхИси Къудратла ВеГличилара, бекКаличилара хъумуртули саби. Пур бекКала малаик илала бекКала шайчи кайзурли виклули сай: «Чум вакил бархИра хИечи, чуйна гъанбикахъира хИези ну льявкъниличила, наб гIергъи гIур хИечи цалра вакил урхъИерхъу», – гIур илала тилади бусравтачи хIерхИеили, илала рухИ айсу.

Аллагъла Вакил Идбагли ﷺ иб: «60 дус дикайчи хIериубси адам, бекКаличи хIядурхИейалли, ил селлра марварес хИейар».

### Гямрула талихИ ва вайси хъархъуд

Аллагъла Вакилли (Аллагъли дурхъара чевяхИра варабну сай) иб: «Сунела лагълис гЯхИдеш биубли дигалли, илис вебКес гьалар дахъал гЯхИдешуни дарахъес имканти луга. Илкяйдали, вебКес ца дус гьалав иличи малаик вархъиу, сайра ил адам бархъси гъуйчивад чевхИеллахъес къарауйчи кайзурси, ва ил лагъ бегIлара гЯхИти секIайзи ахъибхИели убклар. ВебКес гьалаб ЧевяхИси Къудратла ВеГли илис хIядурбарибси Алжан чебаихъу. ИлхИели ил адам вебКес къалабаиклар, ЧевяхИси Къудратла ВеГли Аллагъличил цугикес багъандан. Вайси адам вебКес ца дус гьалаб Къудратла ВеГли Аллагъли иличибад шайтIайс диргалабулхъути, малаикунни тйидибури, ва ил вайти баркъуддуми дирухИели улхан. ВебКес гьалаб илис ЧевяхИси Къудратла ВеГли Жагъаннаб чебаихъу, – илис хIядурси, илхИели илис хИейгахъу иш дунъя бархъбатес я Аллагъличил ﷺ цугикес.

### БекКала гЯзбти

БекКала гЯзбти – адамлизирад рухИ деклардиркухИели, чархла гЯзбти – изала саби. Илди гЯзбти илцадра цакъти сари, вебКили гIергъи илис цархИлти гЯзбти хИедиаллира, илдира даибтири адам бекКали разихИерахъес,

бекКаличила хъумхIертахъес ва иличи хIядурхИеллахъес.

БекКала гЯзбтас «сакрату мавти» биклар (хИеллизив ургъули) илхИели адам кепсиван вирар. Илди гЯзбтала цакъдеш адамли бурули бурес хИейар. Илдала гьарли-марси хIекъдеш, идбагуна-нира Аллагъличи ﷺ гъамти адамтанираун иргъу. Чусра Аллагъли ﷺ бекКес гьалаб сунела нурличил илди дагъахъес ва чедаахъес имканти дедибти. Илди биклули саби, вебКес гьаларти гЯзбти илцадра цакъти сари, хIятта чарх баЦили пяхИли бетахъаллира, Къиямала бархИ сабаайчи, иза цакъдеш хIебубклар. Ил багъандан, Валиби-

АкIубхИейчивад вехИхъили, сунела гЯмурузиб, бекКала гЯзбтачиб кахси цархИл секIал къаршихИебиркур адамлис. Дахъал хIядисуназир бекКала гЯзбти, адам бекКичивад къашмачи бикайчи расли рурчиличи, лухИЦили къиЦивирниличи, миЦирмиЦирли рурхъути шиннизив лухъниличи мешудурцули сари. Амма бекКала гЯзбти чедир гъандушибтачирра гьатИра кахти сари.

### УбКусила цархИлти гЯзбтачила

Илдигъунтазибад саби Малакуль Мавтла (бекКала малаикла) сипат.

## ВебКили гIергъила гЯмру

МУХИЯММАД ХИУСАЙНИЮ



ра (дурхъати адамти) Идбагунира бекКализибад илцадра урухIлар, дугурбазиб бусхИебусули, бунагъуни агарти биаллира, арагIер гЯмру булгули дуркIу.

ВебКили гIергъи, ЧевяхИси Къудратла ВеГли Ибрагъим идбаглизил ﷺ «БекКалис гьаларти гЯзбти севан даргири?» или суалбарибхИели, илини иб: «Дила чарх буребала тIелилизивад дураберКибхИеливан бизур». ИлхИели Аллагъли ﷺ илизи иб: «Нушани хИед бекКала гЯзбти кункдарира».

Муса идбаглизил ﷺ ЧевяхИси Къудратла ВеГли сегъунтири бекКала гЯзбти или хъарбаибхИели, илини иб: «Ил къасабчини набчибад миЦир-миЦирли чархла кам чебархъибсилочи мешубуцес вирар.

Гумар АсхИябли (Аллагъ разили калаб сунечи) дурхъаси исламла гЯлим Каабу-ль Ахбарлизи бекКала гЯзбтачила бурни тиладибарибхИели, илини иб: «Я Умар, ил мешубуцес вирар, хИела варглизибад къизбиклуси занзбар галги дурабитIниличил».

Гяйшани (Аллагъ разили калабну сунечи) иб: «Нушала Идбагла (Аллагъли дурхъара чевяхИра варабну сай) убКинила гЯзбти чедаибхИели нуни аргъира бекКес урухIутала деЦ, убКлухИели ил «Ла илагъа ил-Лаллагъ» ва «Сен кахтил бекКала гЯзбти?» виклусири. – някъби шинна тIалхИянализи чейгусири ва дяхИра бекIра хIяршидусири. Ишабад (хIасул): акIубси бархИличивад вехИхъили, сунела гЯмурузиб чекайсуси бегIлара халаси къяндеш – бекКала.

Вайси адамла рухИ асес аркъуси Малакуль Мавтла дяхИ бегIлара залумси адамлис чедаахъалли, ил урКли пIякъбикили итмадан убклар. Ибрагъим идбаг ﷺ, сунела рухИ асес ваКибхИели, Малакуль Мавтлизил тиладиухъунси сай вайси адамла рухИ асес вашуси сипат чебаахъес. Малакуль Мавт виклули сай: «ХИуни гъанхИедурцид». Ибрагъим ﷺ гIурра тиладиухъунхИели, Малакуль Мавтли ил гIела ласвахъяхъес тиладибарибси сай. Пур иличи ласвахъибхИели, кахси сипат гьалабизурли саби: гъандуцес агарли ваятIа гягIбиклуси, цудара гъезли бакИбси, цудара рангла, цудара палтарличилси мухIилилабадра къянкъубазивадра цIали пархбиклуси, кахси сипат. Илар къагъдеш чедаКили чевсаргъибхИели, Ибрагъим идбагил ﷺ гьалабла араси сипат чебаиб. ИлхИели Ибрагъим идбагли ﷺ иб: «Вайти адамтас хИела ца сипат чебаънила гЯзбтира даибтири, цархИл селра хИебиаллира».

ВебКес гьалаб адамлис сунела хъуЦIрумачи кабибти малайкуни-чекалукIанти чебаихъути саби. ГЯхИси адамлизил илди биклули саби: «ХИела гЯхИти баркъуддумас хIу Аллагъли ﷺ разивараби. ХИела гЯхИдешличирли нушаб имкан бакИб дахъал гЯхИти мажлисуна-чир бутIакъяндеш дарес». Вайси адамлизил биклар: «ХИуни гЯхИси бархИи чемабааби, Аллагъла ﷺ душман, хIу багъандан сецад вайти мажлисунала бикърумили диэс, хИела уряхИти баркъуддуми делКес, хИела уряхИти гъайла аргъес чебур-

къуб». Вайти адамтас гьатИралра кахси анЦIубукъ – илдала юрт Жагъаннаблизиб чебаахъни.

РухИ айсути сари Малакуль Мавтли гЯхИти адамти Алжайчил, вайти – Жагъаннабличил мубаракбарилли гIергъицун. Жагъаннабличила багъахъурти иман агарли бубклар. Илизибад бегIлара дебали урухIлар ЧевяхИси Аллагъ гЯхИл валути, дурсули буралли – Валиби ва и.ц.

БекКалис гьалаб халати гЯзбтачил бяхИгур, давла-мас дурчули чула гЯмру дунъяла къулайдешунас харждарибти. Илдас илцадра къиянбулхъан илдазибад къяббердес, хIятта бучили лебдеш цIали бигес или гъанбиркур. Лебдешличилаун пикрибиклули Аллагъличила ﷺ хъумкартурти даимти гЯзбтазиб бирар.

ГЯхИдешуни дирули гЯмру дерКибтас биалли Алжайзиб мер чебаихъу, бекКала гЯзбти ахъиб виаллира, Малакуль Мавтли мубаракварибси манзил бегIлара разиси ва талихИчебси сабливан билзан, ва ЧевяхИси Къудратла ВеГличил къаршиикесра гьалакли вирар. Вайдешуназив хIериубли, вайси ахирла веГли биалли Жагъаннаблизибадси урехили Аллагъла ﷺ гьалабси урезилли, сецад къиянни биаллира, бекКала гЯзбтазив даимлис калес дигахъу.

### Бирхарутас бекКала гЯзбти пайдалати сари

ХИядислизил бурили саби: «БекКала гЯзбтачил Аллагъли ﷺ муъмин адам бунагълизивад умувиру» или. ВирхХерусилара дирар гЯхИдешуни, сари багъандан Аллагъли ﷺ бекКала гЯзбти кункдирути. ЧевяхИси Къудратла ВеГли Аллагъ виклули сай: «Нуни дунъяличивад чилра архIекис, гЯзбтази, излумази, мискиндешлизи бикахъили, гъамти бекКлахъили, илис урКецIи гIебхИебаахъили ахIенси. Нуни дархъибти лерилра илди къияндешуни илала бунагъуначил дурусдиркули хИедиалли, калунти бунагъуни бекКала гЯзбти имЦадарили ихъис. ИлхИели наб ил гъунивуиур нешли варкъибхИеливан бунагъуназивад умувиубли. Илкяйдали, нуни дунъяличивад архIекис. Дила гъимидухъунси адам, сунени гЯхИдешуни дариб виалли, илис нуни иш дунъяличир арадешра, хъалибаргла талихИра, давлара дедлугас. Лерилра илди илала гЯхИдешуначил дурусдиркули хИедиалли, ца камсилра секIал шабагъат агарли калалли, нуни илис бекКала гЯзбти кункдирис, Къиямала бархИи ил Жагъаннаблизивад верцахъеси селра кахIелесли».

Ил багъандан бекКала гЯзбти, идбагунасна ﷺ дархли дебали къиянтели диэс дирар – или биалли, илдала даража ЧевяхИси Къудратла ВеГла гьалаб ахъбирар. Илдани идбагунала ﷺ даражара гЯшбирахъули ахIен. Илдас, авлиаунас ва цархИлтасра дархъибти гЯзбтира агрумира сецад цакъти диаллира, илцадра илди Аллагъличи ﷺ гъамбирнила даража имЦабирули саби.

(Хъарахъуд бирар)

## «Мургъила» ниъ

Нушани гъалабихъибси ре-  
цептли къакъла члалалис кумек-  
биру.

Мургъила ниъли къакъла  
члалала ургарти дискани ункъ-  
диру, умудиру. Илкъяйда ил  
гяхъиси саби хлила тумас, бабза  
рудлис, нервабас, ва лигубас.  
Ила кабурухуси куркумали хли  
умудиру.

Ца пайла рецепт:

1/8 чайла къулса куркумала

1/4 стакан (65 мл) шинна

250 мл. ниъла

2 халати къулса (40 мл)  
умухебарибси миндалъла мас-  
ла яра нерх, камси варъа.

Куркума шизи какъурли,  
руржесдиили гьегъи 8 минут  
делхъахъес дуцдиайчи. Ниълизи  
нерх бархаили, руржери баклибмад  
цлаличирад урасая. Куркумализи  
ниъ дархаая ва варъа имцлабарая.

Миъбъарибси хляйчибра 40 бархли  
илала хасдешуни заяхедирули  
сари.



Ца порцияличиб имцла барили  
холодильниклизиб бихъесра витар.

Ишгъуна паста барес витар:

1/4 куркумала чашка

1/2 шинна чашка

Ружери баклахъили буцси паста  
бетаайчи белхъахъес.

Илгъуна пастала 1 чай-  
ла къулса дуцарти ружери  
баклибти ниъличил барха-  
эс ва 1/4 чайла къулса мас-  
лала гьудурбарес.

Мургъила ниъли кумек-  
бирули саби жагъдеш  
гьегъадитлахъес, беркала  
ашбирахъес, дулекличи  
гяхъиси асар бирули саби,  
къаркъайзирти агъула  
секлути дурайули сари,  
вахъла ранг жагабирули  
саби.

Дебали багала биру-  
ли саби дягъла изала леб-  
тас, бирканти кункли  
шишдикландирули сари.

Бужес гьегъиниси саби  
бацл урклиличил савли яра дугели  
кайхъес гъалаб.

Шэхала къачла изусилис биалли  
куркума балбиркули ахъен. Масла  
балхебиркутас биалли куркумали-  
зи ил барххъеили пайдалабаресра  
асубиар.

## Бирконтас пайдаласи

Къаркъала зелзибад умубарес ба-  
гъандан хлушаб гьегъинидикур:

1 кило варъала

1 кило кишмишла

Савли бацл урклиличил ца кашла  
къадар кишмиш деркес ва кел сьегъат  
укхъевкес я ужхъевжес. Клийбил бархли  
биалли халаси къулса варъала беркес  
ва илкъяйдали укхъевкес ва ужхъевжес.  
Тамандиайчи илди яргадитлахъес.  
Бирканти гьегъидиар.



### Арадеш

## Янилизиб пайдаласи хурег

Янила замана адам имцлаливан  
пашманни вирни ва уркиагарвирни  
гьадатласи анцбукъ саби. Къаркъа  
сунела лерилра цакъани ванадеш-  
лис харждирути сари. Ил багъандан  
имцлатигъунти калориябира къаркъа  
ванадеш гьеббуцес багъандан харж-  
диру. Илис саби адамлис гъаман укес  
дигуси, амма хлянчи барес хлейгуси.

### Крахмал

Янилизир нушани чузиб крахмал  
лебти берклуми имцлалли пайдалади-  
рули дирехъе. Илди сари: дерцибти  
секлал, муридешуни, картошка, каш-  
шани. Урехи алкъахъути илдазирти  
крахмалли ва чакарли саби. Илдазир  
пайдалати секлал хедирар, амма хал-  
ласи къадарлизир къаркъай гъамадли  
чейсути углеводунни дирар. Илдани  
сай адам цьерхъирахъути.

Ишбархли бегъларе машгъурти

нуси, дерцибти секлал – лерилра ил-  
дани цакъ луга ва ванавиру. Амма  
илди продуктуназир къаркъай гъамад-  
ли чейсути углеводунун ахъенну,  
зараллати гьевадешунира дирар. Ца-  
заманализиб зукъиси-гьеваси-муриси  
беркала беркалли, иличи мусаллат-  
кайруси сай. Илгъуна саби фастфуд  
(къалабаси тьхъарли хьадурбируси  
беркала). Гъачам-клина илгъуна бер-  
кала беркунси адам ил хляйнайсра  
хлеберкес хлейрар.

### Пайдалати гьевадешуни

Гьевадешуначилара хъумар-  
тес асухъебидар. Илди гьевати  
кислотабачи ва глицеринничи  
делхъути сари. Илдани нушала  
къаркъала ванади калахъес кумек-  
биру. Нушала къаркъайс гьегъинити  
гьевадешунира дирути сари. Вера-  
лидяхъибти продуктуни, бахъли  
биубси нуси имцлалли хедукули,  
ургабси гьевадешла ниъла про-  
дуктуни пайдаладирес чебиркур.  
Дебали пайдаласи саби гьеваси  
бьалихъ, хиви ва духълумала  
умухедарибти гьевадешуни.

### Савлила дуббат, хъерикун, бархъехъла беркала

Вегъла битлакъл цугли бихъес  
багъандан, беркала гъачамли  
хлебукули, ил чумра бутлаличи  
буртлес чебиркур. Имцлаливан  
нуша гьанручл дукес далкъхъерула,  
хъерилира се биалра чьамбарили ду-  
ула, дугели биалли, делкъайчи ду-  
кулра. Илкъяйдали асухъебидар. Сав-  
лила дуббат дебали тухъсили биес  
гьегъиниси саби. Сунезиб белокличил-  
си ванаси хурег гьегъили бирар, кашра  
чеймцлабарес витар. Хъерейс буцарси  
беркала ва овошунала гарнир, нергъ-  
личил ванавиэсра витар. Бархъехъ,  
дугели биалли кункси, овошунни,  
ниъла беркала. Диетологунани укес  
замана баайчи маслигъатбирули саби  
чьамдирахъес хиви, дерубти цедеш,  
йогурт. Анцбукъ гушхъейубли,  
къаркъала гъаман витаминтачил  
гьебурцнилизиб саби.

### Чакар, зе ва фастфуд

Цагъатли урехи – халаси къадарли-  
зир зе ва чакар пайдаладирни, сарира  
гъар букуси секлайзир лерти. Консер-  
ваби, вералидяхъибти продуктуни,



Ил багъандан тухъти берклуми ду-  
кес гьегъинити сари. Амма низам-къай-  
да агарли укесра хляжатдеш агара.

### Белокуни ва углеводунни

Чузиб белок лебти продуктуни, угле-  
водуначилти берклуми, (овошунни, риз-  
къила духълуми) къайдали, цаибил мер-  
личир диес гьегъинити сари. Дерцибти  
берклумани, овошуначил берцибси  
диъли халаси цакъ лугуси саби ва ва-  
навириси. Илала дурабад, диълизир,  
ниъла продуктуназир ва овошуназир  
дахъал витаминти, минералти лерти  
сари, сарира адамла лерилра бирконтас  
чараагати. Илди витаминти хедидалли,  
адамла иммунитет хебидар.

## Уркилис ва беклис пайдаласи

Академик Амосовли сегъуна би-  
алра операция барибти зьегъиптас  
букахъес маслигъатбариб арадеш  
жявли къулайбиахъес багъандан.

### Рецепт:

500 гр. кишмиш, инжир, ку-  
рега, къакъанти (чернослив),  
хиви(грецкий), 1 лимон. Илди ле-  
рилра дибгьандарили цахънадахъес,  
500гр. варъала бархаэс. Букес 1 хала-  
си къулса бархъилис хляйна, беркайс  
30 минутлис гъалаб. Илар дахъал ви-  
таминти ва микроэлементуни лер.  
Ил ара-сагъси адамла къаркъайсра  
пайдаласи саби.


## Уркилис пайдаласи

Гъар бархли букеная къацл кори-  
цалара варъалара гьудурмайли ба-  
кибси.

Илини къаркъайзибси холесте-  
рин камбиру ва хлила туми умудиру.  
Илкъяйда илини адам инфарктли-  
зивад уцахъу. Гъалаб инфаркт бета-  
урли биалли, клинайсра хлебиахъес  
кумек бирар.


## Гемоглобин се- къяйда ахъбируси

Хлунтлена къехъе 300 гр. ва наба-  
дари 300 гр. теркаличирад суркда-  
рес, илдази бархаэс 300 гр. варъала.  
Лерилра цахънадахъили холодиль-  
никлизи кабихъес. Букес 1 халаси  
къулса, бацл урклиличул, бархъилис  
гъачам, беркайс 30 минут гъалаб.  
Жумьгъла бухънаб гемоглобин ахъ-  
бирар.

 – Бусурман адамличир черти секлазибад беглар дурхъаси, чебяхъси гъямал се саби?

– Аллагъла гъалаб беглар дурхъаси, чебяхъси гъямал – Аллагъличира ﷻ Аллагъла Идбагличира ﷻ чус хлекъдиубти сифатуначибли иман бухни саби. Аллагъличира ﷻ Сунела Идбагличира ﷻ иман бухни, адамли барибси гъибадат-гъямал Аллагъли ﷻ къабулбирнилис шартъра саби.


Аллагъли ﷻ дихъяба нуша Аллагълиса ﷻ Сунела Идбагличира ﷻ цархилти сифатуни кайзахънилизирад ва калзахъантазирад.

 – Хъунул адамтас хъябрачи зияратли букъес асубирару?

– Хъябрачи зияратли букъес мурул адамтас асубирар, суннатсира саби. Зияратли букъес беглар дурхъаси заманара хамис бархъи дакъайс – жумягъ дуги, лебилра жумягъ бархъи, ва сут бархъи савлира саби.

Хъунул адамтас биалли, хъябри шила духънар диалли чусун букъес, шила дурар диалли махърамличил бархъ зияратли букъес асубирар, идбагунала, гъялимтала, валибала ва гъамти адамтала хъябрачи. Илкъяйда хъунул адамти зияратли башес асубирнила шуртърира лер: мура яра сунела изну биъни, гъунчибад аркъу-лябкъухъели палтарла шайзибад шяргъичи балбикъис хъяйчи биъни, хъябрази бетабхъели дунъяла хабурти дурхъедурни, илаб бисихъебиъни, мурул адамтази гъудурхъебиъни.

Ишди гъандушибти шуртъри дихъидихъялли зияратли букъни хъунрас хъярамси саби. Зияратли укънила мурад саби: бекъибтас балга барили, ахъри бакъибси гъуна Куръанра белчи, нушара дубкни уркила бакъахъни.


 – Черихъути дехъибайс асухъебируси замана лебсив?

– Дехъибала черахъес асухъебируси замана агара. Гъарил дехъиба гъергъи ца-ца черахъили дарес асубирар, ца заманализир дахъал дехъибала черахъили даресра асубирар. Масала, хъерила аргълизир черахъили асубирар савлила, маркъачила, хъатгила сецад дахъал виралра.

Амма чус сабаб агарти – сари сабабличил дархъедасунти суннатла дехъибала дарес карагъатли сари хъярамдешличи гъамси карагъатдешличил: савлила дехъибала дарили гъергъи гъуцла къадар берхъи ахъбиайчи, берхъи цугли закла байхъайчи баибси замана хъери баайчи, сунени дакъала дехъибала дарили гъергъи берхъи гъелабикайчи.


Сабабличил дархъедасунти дехъибала диалли: жаназала, бархъи буцнила, заб далгнила, мижитла ухънаулхъухъели гъахъиятла дехъибала карагъатти замунтазирра дарес асубирар черихъути дехъибайчи мешули.

**Хъурматла узби ва рузби!**  
2017 ибил дуслис «Ас-салам» газеталис къулбасбирес даимбиубли саби. Газета къулбасбарес вирар чиди-дигара почтала отделениелизиб. Илкъяйдали Дагъиста лерилра районтазибти нушала хъянчизартачибад. «Ас-салам» газета къулбасбирули, Дагъистайзиб Ислам тинтбирнилизиди хъушалара пай кабирхъулрая. Къудратла Веб! Аллагъли нушала уркибазиб иманра, Исламра, динничидигира имцадараб. Дусла духънар дурдулхъути газетабала багъни бузри хъясибли дарсдиклар! Дирхулра, нушала бучланти газета агарли кахъевлан.

 – Авцъали дус хъедарили калунти дехъибала чердикахъес дирути дехъибала лертив?

– Сунела заманализиб хъебарил батурсидехъибала чебхъебиркур чебахъили ахъенсид. Адамли маркъачила дехъибайс гъергъи кел ракагъятла дехъибала дарили, келра Алхъямлис гъергъи «Аятул курсию» – ра хъябал «Къульгъура» делчи, Аллагъли ил адамла авцъали дусли дехъибала чердикрахъу ибси бакъили дургудая. Ил адамла хъедарили калунти дехъибала чердиккур ибси мягъна ахъен. Сунела замана ахъ-гъяш кайрули дарибти, дараллира таманни четгъхъеибти, нукъсандиубти, гъапулси уркиличил дарибти, ил тяхъярличир авцъали дус дехъибайзир кадикибти хатлаби черихъу ибси мягъна саби. Авцъали дус дарибтиван гъапулли даралли илди келра ракагъятра, икдачи мешули детарни багъесра чебиркур. Балути адамтази хъаркабаили багъурсид халасид устадешра биъс гъягънисид саби.



 – Къалиян битлакни щаргълизиб хъярамсид яра хъялалсид?


– Тамбаку бержни хъярамсид биънилис, дахъал далилти лер. Илала зарал диннисра мас-къацлиса адамла чархла арадешлиса леб. Аллагъли ﷻ балахъули сай нушази зарал лебсид, жяргасид, пайда агарсид гъар секлал хъярамсид биъни, умусид, сунезиб хайри лебсид секлал хъялалсид биъни. «Хъушани хъуша гъалакъдешличи лаймакъидая» или.

Идбагунид, имамти, валибид, шуйхри, гъялимти – илдазивад цалра агара ил битликъусид ва битлакес хъялала барибсид.

Хъябал карагъат даралли – хъяйна ца тикрарбаралли, илизибад бетарар ца биштлал бунагъ, ил бунагъ хъяйна тикрарбаралли бетарар ца хала бунагъ. Гъанна хъисаббарая бархъилис чум папрус дитликълул ва чум хала бунагъ детарал.

Тамбаку сабид иблсид жихъибисид мерлаб бакъибсид къар.

**Хъурматла узби ва рузби!**  
Динничил дархъедасунти, «Ас-салам» редакциялизиди яра даргала «Ас-салам» газетала редакторличиди суалти лердиалли, хъушани телефонна иш гъергъисид номер хъясибли зянкъдяхъес дирудая:  
+7 (928) 512 55 35.  
Диубси гъуна кумек бирехъе, ин шаа Аллагъ!!!

 – Сурат касахъес ва ил хъулиб биъс асубирару?

– Сурат бухънаб лебсид хъули малаик ухънахъелхъан, Къиямала бархъи беглар гъязаб имцъасид адам сурат бирусид адам сай, – ибти Идбагла ﷻ машгъурти хъядисунид лер. Суратунид адамтани чус лагъдеш дирути секълани дарибхъели илди хъярам дарибти сарид. Лерилра дурути хъанжла (памятникла) черкад сарид. Иша фотоаппаратли кайсусид сурат кабурхусид ахъен.


Авалра Имамла мазгъабла гъялимти цабиуб, рухъи агарти секълала: берхъи-бацгъуна, вацъа-галгагъуна, хъали-мижитгъуна ва цархъил сурат барес асубирниличид. Амма рухъи лерти секлал адам виаб, хъяйван биаб, лебилра гъялимти цабиубли сурат барни хъярам барили сабид сунезир хъябал шартъл диалли.

Цаибил шартъл: чархъ лебсид биъни селизибад биалра барили, илгъуна хъебиалли, чъянкъилизиб яра кагъарлизиб барибсид сурат асубирар.


Къиъсил шартъл: ил суратла чархъ сабид хъебиалли адам, яра хъяйван мицъирли кахъевлусид бирклан камхъебиъни сабид. Масала: ил суратла бекъи чебяхъялли яра бетабиркусид суратлизиб гъярхъид баралли, хъярам хъебирар.

Хъябъэсил: ил суратла дяхъицъид биъни сабид. Лацълизид чебяхъикахъибхъели ил суратла сабид чебаъни ахъенсид илала лацъличиб дяхъицъид бетарули хъебиалли, илра хъярамсид ахъен.

Биштлатид рурсбас бяркъ бедлугънилис пайдаладирути начурбид асудирити сарид, сенахъенну илди биштлатид рурсбид бурсибарес багъандан сарид дирути.

 – Дазала дарили гъергъид лакли дакили нукубид, гъур дуунхъели дазала сагадарес лак убасес гъягънисид?

– Имцъалти нукубид дикути лаканани шин децадикрахъути ахъен, илхъели нукубачид шин чекадааес хъедирар. Дазала дарайчид лакли дакили, гъур дазала дуунхъели илди сагадарес багъандан лак убасес гъягънибиркур.

 – Асубирару дакибти дяхъичил дехъибала дирес?

– Цацадехъитид дяхъид дикути косметикали шин камличид хъедиахъу. Илгъуна косметикали дяхъид дазала дарайчид дакалли илди халдирути ахъен. Амма дазала дарили гъергъид барили биалли макъияж, дазала хъедутъа, дехъибала дарес асубирар.

## Рузнама

### Март

Бурхъни	Пян-ручъла Ас-Субхъ	Берхъи абухъни	Хъерейсла Аз-Зугър	Дакъа Аль-гъаср	Маркъачила Аль-Магъриб	Дугила Аль-гъишаъ
1	04:51	06:24	12:04	15:08	17:40	19:10
2	04:49	06:23	12:04	15:09	17:41	19:11
4	04:46	06:19	12:03	15:11	17:44	19:14
6	04:42	06:16	12:03	15:12	17:46	19:16
8	04:39	06:13	12:02	15:14	17:49	19:19
10	04:35	06:09	12:02	15:15	17:51	19:21
12	04:32	06:06	12:01	15:17	17:54	19:24
14	04:28	06:02	12:01	15:18	17:56	19:26
16	04:25	05:59	12:00	15:20	17:58	19:28
18	04:21	05:55	12:00	15:21	18:01	19:31
20	04:17	05:52	11:59	15:22	18:03	19:33
22	04:13	05:48	11:58	15:24	18:05	19:35
24	04:09	05:45	11:58	15:25	18:08	19:38
26	04:05	05:41	11:57	15:26	18:10	19:40
28	04:01	05:38	11:57	15:27	18:13	19:43
30	03:57	05:34	11:56	15:28	18:15	19:45

Рузнама Мяхъячкъалала шагъарлис сабид

Рекомендовано каноническим отделом Муфтията РД для г. Махачкалы